

Գերապատիւ Առաջնորդին Հայոց Շամախույ՝ Սրբազան Սեփակոսի Սրբեպիսկոպոսի՝ ողջուն և օրհնութիւն:

Առ յայտարարութիւն Գերապատուութեանդ ի 10 ներկայ օգոստոսի ընդ Համարաւ 212 տամք գիտել, զի յաւուր զալստեան թագաւոր Կայսերն ամենայն Ռուսաց ի քաղաքն Բագու՝ ժամուք յառաջ ընդ քահանայիցդ Բագուայ և որոց Հնարաւոր իցէ ժողովել անդանօր առ Ձեզ յեկեղեցին Հայոց, զգեստաւորեսջիք ամենեքին. Դու՝ եպիսկոպոսական լրացեալ զգեստիւք, իսկ քահանայքն՝ միայն շուրջառօք և փորուրարօք. ի ձեռին քում լիցի միայն Ս. Խաչ առանց գաւազանի. մին ի քահանայից ունիցի ի գիրկն զՍ. Աւետարանն և միւսն՝ սլատկեր Ս. Աստուածածնի, ունելով ընդ Ձեզ բուրվառակիրս, խաչվառակիրս և մօմակալ դրպիրս. ամենեքին մաքուր զգեստուք և շապկօք. և այդպիսի պատրաստութեամբ ելեալ արտաքս յեկեղեցւոյն կացջիք կարգաւ առ այնորիկ դրան՝ ընդ որ անցանելոց իցէ թագաւոր Կայսրն. յաջմէ և յահեկէ քումմէ ունիցիս զքահանայս և զթափորականսն. և այդպէս կացջիք առանց իրիք երգոց և շարականաց. և յանցանել Կայսերն զառաջեալ թափորին՝ Դու բարձրացուցեալ զՍաշն՝ որ ի ձեռին քում խաչակնքեսցես զՍծեալ Տեառն. և եթէ կամեսցի Համբուրել զՍ. Խաչն՝ յառաջ մատուցես զայն, տալով ի ձեռքս Նորին Մեծութեան ի Համբուրել. իսկ եթէ Նորին Կայսերական Մեծութիւն ընդ այլ ճանապարհ անցանիցէ՝ գնալ ի տեղի Հանգստեանն, Դուք դարձջիք Նովին կարգաւ յեկեղեցի և մերկացեալ զգեստսն՝ գնաօջիք յիւրաքանչիւր տեղիս: Եւ եթէ դէպ լիցի քեզ ներկայանալ Նորին Կայսերական Մեծութեան ի «պրիօմնի» անուանեալ դահլիճն, յայնժամ Հարցջիք ցնահանգապետն և ցկառավարիչ Հանգիսին թէ ո՞րպէս և զի՞մրդ ունիցիս ներկայանալ:

Ողջ լեր ի Տէր:

ՄԱԿԱՐ ԿԱԹՈՒՂԻԿՈՍ
ԱՄԵՆԱՅՆ ՀԱՅՈՑ

Հմ. 334

Ի 20 օգոստոսի 1888 թմի Փրկչական
Ն. ի թուականութեան մարում ՌՅԼԸ
ի Սուրբ Էջմիածին: